

Visoki predstavnik donio odluku o lokaciji na kojoj ce se sahraniti zrtve Srebrenice i na kojoj ce se ovim zrtvama podici spomen obiljezje

Visoki predstavnik, Wolfgang Petritsch, je danas donio odluku o lokaciji na kojoj ce se izvršiti ukop tijela zrtava Srebrenice.

Opcinsko vijeće Srebrenice se u junu ove godine jednoglasno saglasilo da se mjesto na kojem ce se izvršiti ukop tijela zrtava Srebrenice treba pronaci na području Općine Srebrenica, ali komisija koja je formirana u tu svrhu nije mogla postići dogovor o jednom lokalitetu. Sramna je činjenica da pet godina nakon ovog jezivog događaja nije donesena odluka o lokaciji gdje ce se izvršiti ukop i podići spomen obilježje mrtvim i nestalim Srebrenicanima.

Visoki predstavnik je nagovijestio već u svom govoru kojim je obilježena peta godišnjica ovog masakra da će iskoristiti svoj autoritet kako bi osigurao da se nađe takav lokalitet. Pri donošenju odluke, Visoki predstavnik je prije svega uzeo u obzir želju velike većine porodica zrtava. Ovom Odlukom se dodjeljuje zemljišna parcela, koja se nalazi preko puta Fabrike akumulatora u Potocarima, da se koristi kao groblje i spomen obilježje od strane porodica zrtava Srebrenice koje žele sahraniti tijela svoje rodbine na tom lokalitetu.

Zemljište će se držati u pohrani sve do donošenja konačne odluke o vlasnistvu nad zemljištem. Carl Bildt i Bianca Jagger su se već složili da budu u sastavu Međunarodne savjetodavne grupe, koja će pomoći porodicama zrtava u izradi plana za

groblje i spomen obilježje te u iznalazenju finansijskih sredstava za ovaj projekat. Visoki predstavnik će imenovati i ostale članove nakon ponovnih razgovora sa predstavnicima Udruženja porodica Srebrenice.

Ovaj lokalitet predstavlja spomen na jedan od najtragicnijih momenata u nedavnoj historiji Bosne i Hercegovine. Visoki predstavnik smatra da je ovo bitna odluka za rodbinu nastradalih, kao i za prezivjele Srebrenicane. Sada će postojati mjesto na kojem će prezivjeli Srebrenicani moći obilaziti svoju nastradalu rodbinu, i sa kojeg će, zajedno sa cijelom Bosnom i Hercegovinom, pokušati da se suoče sa prošlostu i izgrade budućnost. Visoki predstavnik danas je upozorio političke stranke na svim stranama da pokušaji da se osujeti ovaj proces neće biti tolerirani. To je pravo koje ovim porodicama niko ne može osporiti kao i moralna obaveza Međunarodne zajednice prema žrtvama Srebrenice.